



**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Musæ secessum amant.

[urn:nbn:de:hbz:466:1-68709](#)

dis illecebris sint immunes, rectoque virtutis tramite ad astra tendant, neque se brutarum Voluptatum sordibus inquinari patientur. Et Tullius in Lucullo: Est enim animarum, ingeniorumque naturale quoddam quasi pabulum, consideratio, contemplatioque naturae, qua erecti humana despicimus, cogitantésque supera ac cælestia, hæc nostra ut exilia & exigua contemnimus. Accedit Plinius, qui in epistola ad Maximum: Et gaudium, ait, mihi, & solarium in litteris; nihilque tam læsum, quod his lætius: nihil tam triste, quod non per has sit minus triste &c. Eloquentissimus Oratorum in orat. pro Archia Poëta: Hæc, inquit, studia adolescentiam alunt, senectutem oblectant, secundas res ornant, adversis perfugium ac solarium præbent: delectant domi, non impediunt foris, pernoctant nobiscum, peregrinantur, rusticantur.

IV. (d) Præterea Musæ sunt incolæ *Heliconis*, & aliorum montium; vel quia sublimes & arduæ, quas vulgus iners non capit; vel quia doctrinarum avidi à civili tumultu se abdere in Solitudinem consueverunt. Hinc litterarum studium vocatur *Otium*, hoc est, ab alijs occupationibus vacatio. De quo Cicero: Quid dulcius est otio litterario? id est studio, &c, ut ita dicam, negotiolo otio. Benè Petrarcha Dial. 21. Duas, inquit, otij species definiunt: Operosum alterum, atque in ipsa requie laborantis, ac circa honesta studia solliciti, quod nihil est dulcius. Alterum inertis & languidi, & solam requiem complexi, quod nihil foedius, nihil similius est sepulchro. Quod Ovidius de Poëticis asserit, hoc de cæteris quoqæ litteris intelligendum:

Carmina secessum scribentis, & otia querunt.

De hoc secessu eleganter Quintilianus lib. de Oratorib. Me vero dulces, ut Virgilius ait, Musæ remotum à solicitudinibus, & curis, & necessitate quotidie aliquid contra animum faciendi, in illa *Sacra*, illosque *Montes* ferant; nec insanum ultro & lubricum forum, famamque pallentem trepidus experiar. Non me fremitus salutantium, nec anhelus libertus excitet: nec incertus futuri, testamentum pro pignore scribam: nec plus habeam, quam quod possim, cui velim, relinquere, quandocunque fatalis & meus dies veniet, statuarque tumulo non maestus & atrox, sed hilaris, & coronatus. Docte & ab experientia Romanus Philosophus: Inimica est multorum conversatio. Convictor deliciatus paulatim enervat & emollit; Vicinus dives cupiditatem irritat; Malignus comes quamvis candido & simplici rubiginem affricuit. Ego secessi non tantum ab hominibus, sed etiam à rebus; & primùm à rebus

(d) *Musa secessum amare.*

bus meis. Posteriorum negotium ago. Illis aliqua, quæ possint prodefse, conscribo. Epistol. 7. & 8. Quām multos à sapientiæ studio impediunt circumvolantes pīcæ, negotia inquam, quæ faceſſunt turbæ domesticæ, & harum motrices feminæ. Beatus ille, qui procul his negotijs.

V. (e) Apollo Musis præsidet, quia Sol, id est, Dies, & Deus faciunt studijs; ille lumen oculis; hic menti ſuppeditat. Testatur hoc Seneca ad Lucilium, epift. 16. Litteræ formant animaum & fabricant, vitam disponunt, actiones regunt, agenda & omittenda demonstrant, ſedent ad gubernacula, & per ancipitia fluctuum dirigunt curſum. Confirmant hæc ſacra sapientiæ antitites: *Diligite lumen sapientiæ* ait Salomon Sap. 6. & Siracides cap. 1. orditur fuas ad sapientiam institutio-nes his verbis: *Omnis sapientia à Domino Deo est.* Et Musæ licet virgines ſint, non tamen omnis labendi periculi expertes ſunt; nam & superbiæ nimium inſoleſcere, & vanitate vilesſcere poſſunt. Opus igitur Rectore, & quidem perſpicaci, qualis Apollo seu Phœbus eſt, omnia luſtrans, omnia penetraſ. Quod miſi ſiat, quoties longo vel carmini, vel orationi, vel ſcriptioni unica deerit ſyllaba, ſcilicet *Mens*, ſeu *judicium!* nihil delicatius concentu, quem profitentur Musæ.

(e) *Apollo ſeu lumen, Musis eſt neceſſarium.*

S Y M B O L U M X X V I I .

Proſerpina, Cereris filia, à Plutone rapitur.

s. Metam. Claudianus de Raptu.

Ethicè.

1. Caſtitas indiget Cufodiā. 2. Voluptatis lenocinium. 3. Caſtitatis periculum in hortis. 4. Infidiæ caſtitatis.

VNICA proles erat Cererī, frugum Deæ; nomine *Proſerpina*, flos ætatis & caſtimoniæ. Hanc, in Phrygiā abitura parens, reliquit in Sicilia iuſta, tutiſſimo, quemadmodum rebatur, munitiſſimōque loco adverſus procos ſervandam: monitiſ ei datis, ne quā ſe abſente prodiret unquam & uſquam. Venus, ut eſt infidiosa juventutis venatrix, cūm Virginem vetitis amoribus irretire desperaret, excitavit infe-ros, & Plutonem iuſta, Erebi regem, in deſiderium rapiendæ puellæ accendit,

